

يخواني زينبكم أني سمعوني يخواني يخواني في حين الدفن حضروني يخواني

چم فاجعة ابوسط القلب آذتها
من فقدت أمها والأبو وأخوتها
بآخر نفس ضل بيها
يخواني في حين الدفن حضروني يخواني

لو نزلت ابروس الجبال انفتها
هذي الحياة ابكل حزن عاشتها
صوت ارتفع چن ليها
يخواني في حين الدفن حضروني يخواني

فتحت جفنها و الدمع آذى العين
مسحت عليها وقبّلت منها اجبين
واتوادعت وي أمها
يخواني في حين الدفن حضروني يخواني

لن تنظر ابيمها اجت أم حسين
قلبي انطري يا مهجتي لتونين
زايد عليها همها
يخواني في حين الدفن حضروني يخواني

لنه لفاهها حيدر ابأحظانه
ويايه ما نصفت أبد دنيانه
نتلاقي في جناته
يخواني في حين الدفن حضروني يخواني

قالت يا بويه ابنيّك تعبانه
قال الها لحظات وتجين اويانه
حّنت لجل عبراته
يخواني في حين الدفن حضروني يخواني

بالغربة والموت اقترب يم زينب
وصّل أبو محمد و ثوبه مترّب
هذا القبر جهزناه
يخواني في حين الدفن حضروني يخواني

تتمنى يوصلها أخو تترقب
قلها يخيتي و القلب ضل يلهب
آخر أمل أتمناه
يخواني في حين الدفن حضروني يخواني

جاهها الحسن يمه بحزن بو السجاد
صرت السبية ال تنسحب بالأقياد
سلّوني يا أغلى الناس
يخواني في حين الدفن حضروني يخواني

صاحت يا سبطين النبوة الأمجاد
مجلس يزيد أني ادخلت وابن ازياذ
بس ما أشوف العباس
يخواني في حين الدفن حضروني يخواني

واتذكرت جثة بطل ماله اچفوف
تحضر يكافل زينبك والا اتعوف
اذرف عليه الرمال
يخواني في حين الدفن حضروني يخواني

مرت مآسي كربلا اقبال الشوف
يا ابو الفضل تهتف اجنتي الحتوف
يا اللي ال علمنا شيال
يخواني في حين الدفن حضروني يخواني

يمسح دمعها ابيمينته المبريّه
واتوادعوا حتى احضرت لمنيّه
بتلاقي روعي روحك
يخواني في حين الدفن حضروني يخواني

عباس اجاها ابرائته المدميّه
سامحتك اتقله وهلا بهالجيّه
يا خويه بطل نوحك
يخواني في حين الدفن حضروني يخواني

حضرروا بنين المرتضى ودفنوها
بين السما وبين الارض سمعوها
يجمع شملهم لوداع
يخواني في حين الدفن حضروني يخواني

واتكفنت بنت العلاء وشيعوها
ضجة عظيمة للإخت رفعوها
درة وحوتها هالقاع
يخواني في حين الدفن حضروني يخواني

عظم لك الباري الاجر بو صالح
يثأر وعدها وبالوجن دم سايح
ما تنقطع ونتها
يخواني في حين الدفن حضروني يخواني

صوت ارتقع من كل محب له صايح
ابن الحسن للعمّة و شقد نايح
ما تنطفي جمرتها
يخواني في حين الدفن حضروني يخواني

هذي العقيلة اللي قضت محزونة
والشيعة تحلم تندعي ايزورونه
تتعنى زينب بالشام
يخواني في حين الدفن حضروني يخواني

تحت الترب شمس الشرف مدفونة
تجري السنين وهالقبر بينونه
عدها أماني وأحلام
يخواني في حين الدفن حضروني يخواني